

SIMONIS PISTORII  
OPPOLIENSIS SILESII  
Sacrorum Epigrammatum

OCTERNIO QUINTUS.

*Nobili & Ingenuo Juveni,*

CLEMENTI LACHOVIO,  
dicatus.

AD LECTOREM.

Si te, Lector amans, juvit legisse priora,  
Hæc quoque perlectis adjicienda putes.  
Non ad judicium, fateor, sunt omnia Vulgi  
Condita, quod passim devius error agit.  
Esse sed ad normam Veri scripta, Ipse videbis.  
Si sine judicio præcoce forte leges.  
*Crede, nos hæc hauri semper sunt continenda, sed illa  
Quæ demùm a Verbo sunt aliena Dei.*



RACOVIAE,  
1612.





Nobili & Generoso Iuveni,  
**CLEMENTI LACHOVIO**  
*Salutem.*

**N** E C tu mihi prætereundus es, carissime Lachovi; cujus Ego non solum erga me amorem & observantiam singulare probe expertus sum: sed etiam ardens ac incredibile tuum, cum in literis bonis addiscendis, tum verò in cognoscenda Veritate divina, studium, ab ipsa pene pueritia, satis perspexisse mihi visus fui. Nec mirere autem, post tantam temporis intercapedinem, te nunc primum his a me ornari, donarique: Nam præterquam quod (cum singulis singulos Oæterniones dedicare decreverim) omnibus ea ex præmissis paucula simul adscribi non potuerint; hoc etiam intervenit, quod gravioribus occupatus a scribendorum Epigrammatum, consuetudine hætenus omnino abstineram. Bonitaque consules, etsi serò oblata, & præter spem fortasse tuam. Iam valebis, meque tui studiosum & benevolentem, eo, quo capisti, amore prosequi non desistes. *Czar-kovix, 6. Janu: 1612.*

**SIMON PISTORIUS.**

SAC  
SIM

GR

Poste à

Que

Deniq

A p

Omnig

Inte

En! p

Et s

Nec ta

Gn

O num

Atq

Ferre

Cog

Prud

Hu

Vt V

Et

TE

C





SACRORUM EPIGRAMMATUM

SIMONIS PISTORII OPPOLIENSIS SILESII

Osternio Quintus.

Gratia novi Federis.

**G**RATIA quamta Dei! primùm, mortalibus ipsa  
Naturâ, sumtis de rudiore luto.

Poste à prognatis illo Genitore, perennis  
Quem Mortis fecit vana libido reum.

Denique germanis vitiis, & crimine onustis  
A puero, teneris pœnè vel unguiculis,

Omnigenâ pœnâ, Nobis, & verberare dignis,  
Interitu dignis, supplicioque jugi.

En! peccatorum veniam promisit & omnium,  
Et sua promisit Regna beata, Deus.

Nec tantùm Verbis verax promisit; at idem  
Gnati sancivit sanguine Verba sui.

O numquam Bonitas audita! vel antea visa!  
Atque Dei numquam sat celebrandus Amor!

Ferreus, & demens! qui rursùm non amat, & quem  
Cogit ad obsequium non Amor iste Dei.

Prudens & gratus! pro tanto quisquis amore,  
Huic Domino pretium reddere tale studet;

Vt Vitium fugiat, Virtutem Corde sequatur,  
Et sit amans sanctæ Gloriæ ubique Dei.

Gratias & laudes Dei, æternas fore.

**T**EMPUS erit, quando cessabit Cultus hic omnis,  
Cessabit totum Relligionis Opus.



Sacrorum Epigrammatum

Non locus his exercitiis erit amplius ullus,  
 Quæ nunc ex Verbis iuvat habere sacris.  
 Sed semper laudesque Dei, gratesque manebunt;  
 Hoc erit ex tota Relligione super.  
 Felix! nunc Domino, qui Cultu ita servit in isto,  
 Ut numquam grates cesset habere Deo.

Per Christum, vel in Christi nomine orare, aut  
 gratias agere Deo, quam significationem  
 habeat. Ioh: 14. & 16.

PER Christum quid sit, seu Christi in nomine Votis  
 Sollicitare Deum, laude vel afficere,  
 Nisi fallor, duplex hujus sententia dicti est,  
 Utraque vera, licet utraque forte nova:  
 Aut is Vota Deo per Christum, & reddit honores,  
 Qui, quantum est factus Christianus, ista facit.  
 Namque nec ille Pater, nunc exorabilis ulli est,  
 Nec gratum est hujus laudis aroma Deo,  
 Qui litat absque fide Christi, gratesque, precesque,  
 Nec fuerit Christi Cultor, & ejus amans.  
 Aut is per Christum, seu Christi in nomine Votis  
 Supplicat, & summum tollit in Astra Deum;  
 Confisus Christo, qui Verba precantia ad ipsum  
 Dirigit, & solum laudis honore colit.  
 Hunc etenim postquam rebus præfecit, & Ipsum  
 Pro Nobis iussit sollicitum esse Deus;  
 Haut alio, quam se, generis præcepit honore  
 Afficere; ut Numen par cui, par sit honos.  
 Nec tamen illa Deo, vel tantum, derogat ipsi,  
 Sed redit ad majus gloria tanta decus.

Hic ca  
 Ast  
 Hoc ge  
 Cult  
 Dixi p  
 Lau

C  
 MUR  
 Hoc  
 Quod n  
 Que  
 Manib  
 Vio  
 Quod t  
 Imm  
 Quodq  
 Omn  
 Illius l  
 Seu n  
 Ius Vi  
 Atq  
 Is dare  
 Que  
 Is mal  
 Seu n  
 Et calu  
 His c



Oster: s. Simonis Pistorii.

Hic cantus novus est, Agno illi animalia, quem nunc  
Astrato in Cælo; canaque Turba canunt. Apoc:5.&14.  
Hoc genus est cultus, qui Nos discernit ab omni  
Cultu alio, & præter quem modò nulla salus.  
Dixi per Christum, seu Christi in nomine quid sit,  
Laudibus, & Votis concelebrare Deum.

Christi exaltatione, nihil excellentius, nihil  
majus, diviniúsve.

MULTA Dei quamvis Opera, & sint maxima, cunctis  
Hoc Vnum præstat maximitate tamen;  
Quod mortalem Hominem, truculentâ morte peremtū,  
Quem jam sustulerat terrea Mater humus,  
Manibus ereptum produxit, & imbuit aurâ  
Vivificâ, postquam tertia venit Eos.  
Quòd Terra ablatum, quod erat mortale relicto,  
Immortalem Astris intulit ille suis.  
Quodque Deum fecit nostrum, Dominumque potentem,  
Omnipotente gerit qui modò cuncta manu  
Illius Imperio subsunt, seu quotquot Olympus,  
Seu nigra Spirituum Tartara quotquot habent.  
Ius Vitæ est illi, jus diræ Mortis & illi est,  
Atque in Avernales jus habet ille domos.  
Is dare Cuncta potest, quæ magnus continet Æther,  
Quæ capit hæc Tellus & dare Cuncta potest.  
Is mala cuncta potest humane immittere Genti,  
Seu mala quæ nunc sunt, sive futura mala.  
Et cælum, & Terras, Pontumq; Erebumq; profundum,  
His contenta simul singula, & omnia habet.



Sacrorum Epigrammatum

Et Cælum, & Terras, Pontumq; , Erebumq; potentem,  
 Omnia fatali destruet ista die.  
 Tamta Homini Christo commissa potentia rerum,  
 Tamta illi à summo tradita cura Deo.  
 Vt nil, si Iovam excipias, sit ubique relictum,  
 Quod non sub pedibus sentiat ille suis.  
 Vnicus hinc Dominus noster cluit, & Deus idem,  
 Hinc Servatoris nobile nomen habet.  
 Hinc & habenda Fides illi est, hinc Cultus, & ipse  
 Divinus Christo contribuendus honor.  
 Cedite facta Dei! Miracula cedite cuncta!  
 Nil uno hoc Cælum majus, & Orbis habet.  
 Magna quidem res est immensi fabrica Mundi,  
 Maxima que summus fecit & ante Deus.  
 Hoc unum ad facinus collata sed, Omnia nil sunt  
 Reliqua; nam finem sunt habitura suum.  
 Tale Deo dignum est, quod perpetuale, sui que  
 Arguit auctorem quod satis esse Deum.  
 Hoc unum Factum, Factum mirabile solum  
 Pænè fide majus nostra, acie que animi.  
 Panditur hoc Facto, Prudentia summa, Potestas  
 Summa Dei, summus proditur ejus Amor;  
 Quàm nos Mortales norit superaddere Divis,  
 Hoc uno Facto noscere ritè potes.  
 Reddere quàm possit Mortales Numine dignos  
 Cælesti, ante oculos hoc tibi ponit Opus.  
 Denique quàm cupiat Mortales, inter habere  
 Cælicolas, Facto hoc fit tibi certa fides.  
 Gratia IOVA tibi! quòd Nos ad amareis ultrò  
 Tàm validè miserum, terrigenum que Genus.

Glor  
 Qu  
 At tu  
 Qui  
 Omni  
 Con  
 A nob  
 Et p  
 Nostr  
 Vt  
 Ac u  
 Per  
 Gra  
  
 P R O  
 Ca  
 Hanc  
 Nu  
 Iure  
 A  
 Cord  
 Mo  
 Arde  
 Ha  
 Sic st  
 Ne  
 Insi  
 Do



Oſter: 5. Simonis Piſtorii.

*Gloria IOVA tibi! nimium veracia Nobis  
Quod tua firmaris tam bene Pollicita.  
At tu magna Dei Soboles Homo-dive Redemptor,  
Qui noſtri cauſâ, pro ratione, tuâ  
Omnia cunctipotens moderaris, ô! omnia, Chriſte,  
Commendata rogo ſint Bona noſtra tibi.  
A nobis Hoſtes vere pietatis abarce,  
Et purga a Falso Relligionis Opus.  
Noſtraque diuino præcordia perluc Flatu,  
Vt cognoſcamus dulce Salutis iter.  
Ac ut, ſeu vivi, ſeu fato denique functi,  
Per Te ducamur PATRIS ad ora Tui.*

Gratis oblatam Salutem, non dari ſine interveni-  
ente noſtrâ obedientiâ.

**P**ROMISIT Nobis æternam, IOVA, ſalutem,  
Cauſa huius Chriſtum juffit & ille mori.  
Hanc offert Nobis, & promovet ipſus eamdem  
Nunc quoque; cuncta facit, que facienda Deo.  
Iure ſuo, tam tam non vult tamen ille ſalutem,  
Absque omni Nobis conditione dare.  
Corde fidem poſcit tribui ſibi, poſcit amorem,  
Morem ritè geri poſcit & ille ſibi.  
Ardua ſitque licet res hæc, tamen eſſe Salutis  
Haut aliâ compos tu ratione potes.  
Sic ſtatuit prudens; ut nec poſſit ſine ſe ſe,  
Nec ſine te peragi tale ſalutis Opus.  
Inſipidus! qui tale Bonum, tam tùmque Iehovæ  
Donari nobis absque labore putat.



Sacrorum Epigrammatum.

Quæ res maximè moveat, aut impellat,  
ad Virtutis studium.

**Q**UID sit quod faciat sanctæ Pietatis amantem,  
 Est ratio dispar, causa nec una datur.  
 Sunt qui pœnarum vario terrore, minisque  
 Ingenerare student Relligionis Opus.  
 Hinc tonat horrendum Moses, & pagina Legis  
 Incutit ingentes, perpetuosque metus.  
 Hinc audis toties, toties commenta legisque  
 Théologum magnis pœnè referta libris;  
 Nescio quas furias, & Purgatoria seva,  
 Ultima post pravos fata manere Viros.  
 Scilicet hæc ipsis Populum formidine pœnæ  
 Cultores Recti reddere cura subest.  
 Additur his Cultus varius, distinctaque multis  
 Relligio formis, innumerisque sacris.  
 Ut Turbis causæ totidem Pietatis adessent,  
 Prostarent ritus quotquot ubique novi.  
 Sed nihil ista juvant; immò horum accessio quamtò  
 Major, Iniquorum major & ipsa seges.  
 Pœnæ formido, peccati, ad tempus, ab actu,  
 Deterrere potest, & revocare Malos.  
 Externi ritus, ac observatio Cultus,  
 Qualis ab humanâ traditione venit,  
 Vtilius vanam (res certa) Superstitionem,  
 Quàm prohibiti odium Criminis illa parit.  
 Pol, observantem Recti, Vitæque probatæ  
 Res sectatorem reddere neutra potest.

At qu  
 Den  
 Quale  
 Exi  
 Cujus  
 Chri  
 Quod  
 Poss  
 Hos p  
 Ing  
 Etern  
 Visa  
 Non ta  
 Vir  
 Aut n  
 Et d  
 Aut l  
 Imp  
 Ad fr  
 Non

COR  
 Vsi  
 Hoc Ch  
 Effe  
 Comp  
 Sed



Oeter: 5. Simonis Pistorii.

At qui spe grandisq̄e Boni, certiq̄e futuri,  
Demulcent animos, duraq̄e Corda Virum,  
Quale revelari iussit Mortalibus ægris,  
Eximio nostri motus amore Deus;  
Cujus firmandi mala plurima, magnaq̄e causâ,  
Christus ad infamem pertulit usq̄e Necem;  
Quod morte exemptus, summoq̄e locatus Olympo  
Possidet, & cuius jam dator ille Boni est.  
Hos profectu aliquis sapientiùs inferat esse  
Ingressos veram prosperiore viam.  
Eternæ quisquis perceptâ voce salutis,  
Visâ promissi speq̄e tenace Boni,  
Non tamen ante-actæ Vitæ, scelerumq̄e perosus  
Virtutis posthac efficiatur amans.  
Aut nihil hunc merito sensus communis habere,  
Et dicam bardum, degeneremq̄e nimis,  
Aut longè immersum Vitiis, mirisq̄e putabo  
Implicitum laqueis, demonis arte, Virum.  
Ad frugem quisquis Vitæ immortalis amore  
Non redit, hunc ratio non iuvat ulla magis.

Metaphora Panis & Aquæ apud Christum.

Ioh: 4. & 6.

CORPORIBUS nostris quod sunt, & Panis, & Vnda,  
V sibus humanis à Genitore data;  
Hoc Christi verbum, res &, quas continet illud,  
Effectu nostris sunt animabus idem.  
Comprimitur nam dira fames ceu pane comesto,  
Sedaturq̄e hausto torrida fonte sitis:



Sacrorum Epigrammatum

*sic quoque promissa diuina voce salutis,  
 A PATRE quam Christus protulit ille suo,  
 Pectore suscepta, masticataque frequenter,  
 Siffitur ille cibi spiritualis amor.  
 Nam summi mens nostra Boni cupidissima semper,  
 Non ultra quo jam progrediatur habet.  
 Modum salvandi homines, sapientia, & æqui-  
 tate Dei esse plenissimum.*

*SI IOVÆ facta sapientia lucet in ullo,  
 Conspicua in nostra est illa salute nimis.  
 Ille ob non-visum Cæleste Bonumque futurum,  
 Ser viri sancta vult ratione sibi.  
 Quæ sunt ante pedes, mandat contemnere cuncta,  
 Quæ pulchra ad spectu vanus hic Orbis habet.  
 Immò per angustas res, & discrimina mille,  
 Perque crucem infamem tendere ad Astra jubet.*

*Improbis, addictus Mundanis rebus & istis,  
 Ridet, ut insipidum tale salutis iter.  
 At bonus, & simplex veræ Virtutis amator,  
 Adprobat, & sequitur tale salutis iter.  
 Sic Homines segregat; reddendi iusta cui vis  
 Præmia pro meritis sic datur ansa Deo.  
 Christi iugum, quo respectu grave,  
 aut leve. Mat: 11.*

*DIUM Dogmatuum, si quis consideret illud,  
 Dentis Promissis, est grave, Christe, iugum.  
 Adhibitis rursus, si quis consideret ipsum,  
 Sanctis Pollicitis, est leve, Christe, iugum.  
 Fac tua gustemus Promissa perennia! Nobis  
 Vt leve, Christe, tuum, sitque sua ve iugum!*

CO  
 Offi  
 In Ch  
 Pa  
 Cony  
 Im  
 Qual  
 Qu  
 Mor  
 Qu  
 Quos  
 Ni  
 Cæle  
 Co  
 Corp  
 Tu

SI  
 si  
 Infe  
 V  
 Nec  
 M  
 Vt s  
 N  
 Et M  
 C



In alio corpore resurrecturi. 1. Cor: 15.

2. Cor: 5. Philip: 3.

CORPORIS hæc moles, quam nunc gestamus, onusta  
Ossibus innumeris, sanguine, carne, cute.  
In Chaos antiquum, rursus resoluta redibit,  
Parque erit hæc terræ semper, ut ante fuit.  
Conueniens animis verum Cælestibus olim  
Immortale pius corpus habebit Homo.  
Quale gerit Christus nunc, aut rerum optimus auctor,  
Quale Deus cuncto tempore solus habet.  
Mortalis Regio est quam nunc habitamus, & hinc est,  
Quod Nos mortales hic decet esse Viros.  
Quos expectamus, Cæli, sedesque beatæ,  
Nil hujus nostræ conditionis habent.  
Cælestes animas, ac immortalia tantum  
Corpora, inaccessi luminis Astra sovent.  
Corporis exurias istas relinquo libenter,  
Tu modò cælestem da mihi Christe domum!

Immortalia optanda. 1 Ioh: 2.

SI te delectant Nummi, si vana Voluptas,  
Si Mundi fallax, nec diuturnus honos.  
Infelix animi es: Nam nec te cura fatigat  
Vlla Dei, nec te Numinis urit amor.  
Nec te delectant Bona vera carentia sine,  
Maxima que summi continet Aula Dei.  
Vt sunt diversa hæc Bona, conditione, locoque,  
Nemo capax horum sic simul esse potest.  
Et Mundus perit hic, & amans Mundana peribit;  
Cui curæ Virtus perpetuò Ille manet.



Sacrorum Epigrammatum

In Cælo thesaurus reponendus. Mat:6. & 25.

**O**MNIA sunt Hominum dubio pendentia casu,  
Qualibet ex causa parta labore ruunt.

Frustrâ servatam fur callidus auferet arcam,

Congestas rapiet miles iniquus opes.

Absumet Patrios admota favilla Penates,

Merce gravem fallax obruet unda ratem.

Causidicus tollet per fanda, nefanda: negabit

Sortem cum fructu debitor ipse suo.

Aut ipsum breviter consumens omnia Tempus,

Eterno exitio cetera cuncta dabit.

Extra fortunam est, extraque pericula cuncta,

Quod datur in Christi nomine Pauperibus.

In sanctos horum quicquid convertitur usus

Id tantum, interitum nescit habere suum.

Nam datur hoc soli, qui possidet Omnia Christo,

Qui dare cum multo fenore plura potest.

Da tua, dum tua sunt aliis! has, iudice Christo,

Quas dederis solas semper habebis Opes.

Novum Christi de diligendis Fratribus Præce-

ptum. Ioh:13. & 15. I. Ioh:3.

**D**ILIGERE ante alios Fratrem, Vitam ejus ad usum

Non detrectari ponere, si sit opus;

Grandis causa subest Mandatum Christe, quod istud

Dicis & esse Novum, dicis & esse Tuum.

Hujus enim tamti Tu primus es Auctor amoris,

Exemplum primus das in amore tuum.

Namque Tuis, quos Tu redamas, bene semper ut esset.

Fundere dilectam non dubitasti Animam.

O amor!

O amo

Visa

Ejus a

Qui

Non a

A

Evi

Quo

Quo

Ex ho

Quo

Qui l

Quo

Ni vis

Nat

Non e

Fra

SAN

Ad

Et tan

Vir

Quisq

Vit

Defin

Des

Quali

Io

Te qu

Eo



Oeter: 5. Simonis Pistorii.

O amor! ô bonitas! audita, vel antea numquam  
Visa, ô, Doctorum nobile, Christe, decus!  
Ejus ad exemplum Fratres adamare suêſce,  
Quisquis germanus Christianas esse velis.  
Non alio melius dignosci namque potissunt,  
A Doctorum aliis, stigmatè, Discipulis.

Evidens Christi a Deo missionis argumētū. *Ioh: 17.*

QUOD Cælestis erat Christi Legatio, & ejus  
Quod Doctrina Orbi tradita, dia fuit;  
Ex hoc vel faciliè est Hominum cognoscere amorena,  
Quo IOVAM, ac sese mutuo amare solent.  
Qui IOVAM hauri visum Mortalis amare potissit,  
Qui dives vilem mutuo amare velit?  
Nè vis quædam insit dictis divina, negatum  
Naturæ suadet que facere istud opus.  
Non est humanam, non est (mibi crede) reapse  
Fratrem contemptum diligere, atque Deum!  
Præmium Pietatis in cælis.

SANCTIOR in Terris Christo, nec promptior ullus  
Ad sanandum egros, utiliorvè fuit.  
Et tamen invisus cunctis, Crucis actus in altum  
Virtutis pretium postea tale tulit.  
Quisquis, ad exemplum Christi, sectator honesti  
Vtilis in Terris, omnibus esse studes.  
Desine condignos hominum sperare favores,  
Desine pro meritis præmia vera tuis.  
Qualia sed posthac immensis Christus in Astris,  
IOVÀ propitio dante, brabea tulit.  
Te quoque, in incepto si perstas optimus esse,  
Eòdem propitio talia dante manent.



Sacrorum Epigrammatum

Ratio salutis humanæ, ubi causæ & effecta Passionis  
ac Mortis Christi exponuntur.

QUAMTUS Amor magni, Patientiã quãnta IHOVÆ,  
Mortales erga, Terrigenumque Genus!  
Non tantùm ignoravit nostris lenissimus ausis,  
Et veniã admissi fecit habere locum;  
Ipsam divinam verùm sperare salutem,  
Æternæ Mortis, iussit & ille, reos.  
Adde, spei quòd ut accederet non irrita tamtæ,  
(O res mira, Dei Consiliumque!) fides;  
Unigenam tot acerba pati, tot ferre dolores,  
Et voluit diram mortis adire Crucem.  
Tàm grandis si nuda Boni Promissio forsan  
Efficeret tardam, difficilemque fidem;  
Funus atrox Christi ratione valentius omni,  
Præstaret facilem cuique, citamque fidem.  
Si quis enim, causas expendat mente profundã,  
Effectus hujus percipiatque Necis.  
Magna sue fidei mox argumenta videbit,  
Et factæ vires sentiet ille spei.  
Non furor, aut odium nostri, sed amica voluntas,  
Propensique in nos Gratia larga Dei,  
Exhibuit Christi, tamtæque laboribus, atque  
Propositi tamtæ, causa fuere, Neci.  
Emisse Vitæ certissimus esset ut auctor,  
Tàm magnis que foret rebus ut ampla fides;  
Non detrectavit sanguinem profundere Christus,  
Vnde cruor dictus Federis ille novi est.  
Nec tamen incaßum mala, fataque tamta tulisti  
Christe, sed effectus hos peperere tibi.

Vix ter  
Tam  
Dicta j  
Sape  
Te Pat  
Rege  
Idem d  
Ada  
Quicq  
Sust  
Spiritu  
Ter  
Iura, f  
Et j  
Hinc q  
Quã  
Hinc f  
Con  
O imm  
Finc  
Qui ne  
Mo  
Ad ta  
Ev  
Hinc l  
Qu  
Non h  
Ver  
Hi sun  
Ho



## Oſter: 5. Simonis Piſtorii.

*Vix ter Eos rediit, cū tu rediuius in auras,  
 Tamtē exantlato molis agone, redis.  
 Dicta fides tua conſequitur; namque ipſe docebas  
 Sæpe, re victurum te fore, Patris ope.  
 Te Pater inde datâ ſpecie tibi Numinis idem  
 Regem ex his Terris ad ſua Regna tulit.  
 Idem diuinæ tibi Majestatis honorem  
 Addidit, & ſocium nomen habere dedit.  
 Quicquid habet Cælum, quodcunq̄ue habitabile Tellus  
 Sustinet, hoc dextræ contulit omne tuæ.  
 Spirituum cunctorum, nec non exercitus omnis  
 Terrigenum, Imperio ſubjacet ille tuo.  
 Iura, poteſtatemque Necis, Vitæque beatae,  
 Et jus Auræ ſpirituales habes.  
 Hinc quoque diuinis celebraris honoribus, Orbis  
 Quâ patet, immenſus quâ patet Ipſe Polus.  
 Hinc fidit tibi ſancta tui Gens nominis hæres,  
 Conſtanter dictis pareat & illa tuis.  
 O immenſa Dei ſapientia, ſumma Poſteſtas,  
 Fine carens Bonitas limitibus que ſuis!  
 Qui novit, potuit, voluitque e ſemine cretum  
 Mortali, ereptum Morte truciſque Virum,  
 Ad tamtas faſces, faſtigia ſummaque tamta  
 Erehere, & ſibimet reddere panem parem.  
 Hinc laus quamta Dei Facto, hinc ſolamen ab iſto  
 Quantum Chriſtigenis omnibus eſtque datum!  
 Non hominis tantum, cui vocis parva facultas,  
 Verum immortalis lingua referre nequit.  
 Hi ſunt effectus igitur jam Funeris huius,  
 Hoc caput & tamti cauſa laboris erat.*



*Quæis ritè expensis, nondum si tradita speras  
A Christo, præstas pollicitisq; fidem;  
Aut es nullus homo, sed bestia, sensibus orbis;  
Aut es amans pravi, nequitieque comes.*

Doctrinâ Evangelii revelatâ, locum esse  
judiciorum Dei. *Iob: 3.*

**H**oc Evangelium quo cepit in Orbe doceri  
Tempore, & Hæretici quo nisi Sacra crepant.  
Ritibus ablati, quos instituere Priores,  
Amoris festis, quæ posuere, statis.  
Semper ab hoc longè jam deteriora sequuntur,  
Sic Populus passim Pontificalis ait.  
Ipse nec inficior, quod ait, verum esse, sed horum  
Causam Evangelium fortiter esse nego.  
Namque Evangelio ceu nil divinius usquam est,  
Sic nihil utilius totus hic Orbis habet.  
Causa sed est hominum Genus ipsum, ingrataq; Turba,  
Quæ spernit magni Munera tamta Dei.  
Cætica, Christus ait, lux ipsum venit in Orbem,  
At tenebras homines lumine pluris habent.  
Rejiciunt Evangelium, nec vivere curant,  
Ad sancta illius Iussa, jube. e Deo.  
Atque hæc tamtorum caput e, & origo malorum,  
Hæc est judicii causaq; fonsq; Dei.

